

峒

谿

織

志

陸次雲
著

中
華
書
局

叢書集成初編所選龍威秘書
及問影樓輿地叢書皆收有此
書且皆三卷然龍威非完本故
據問影本排印

峒谿織志序

或曰。峒谿可不志也。生居荒服。宜以不治治之。余謂禮失而求諸野。太古之風。猶然在彼。其若宋若蔡。若天三族。尙子尙丑。依然三代之遺意。昔漢陽諸姬。楚實盡之。遂偏處此乎。是負固之區。未嘗不可以于羽化也。兩粵、滇、蜀、黔、楚之間。苗蠻之類多矣。余之所志。有見而知者。有聞而知者。繙輯其說。以爲宦於此土者告。非若朱季公叢笑一編。徒矚其陋也。有以變之。何陋之有。故爲志。

峒谿織志上卷

峒谿種類多矣。諸書所載，同異攸殊。余彙集羣言，詳爲考正，措辭雖簡，徵事彌該。
清 錢塘陸次雲雲士著

苗人

苗人盤瓠之種也。帝嚳高辛氏以盤瓠有殲溪蠻長之功，封其地，妻以女，生六男六女，而爲諸苗祖。晝夜郎境多有之。有白苗、花苗、青苗、黑苗、紅苗。苗部所衣，各別以色，散處山谷，聚而成寨，睚眦殺人，報讐不已。故諺曰：苗家讐九世休。近爲熟苗，遠爲生苗。熟苗勞同牛馬，不勝徭役之苦。男子椎髻當前，髻纏錦帨，織布爲衣，竅以納首。婦人以海肥銅鈴結纓絡爲飾，耳環盈寸，髻髻幾尺。以十月朔爲大節，歲首祭盤瓠，揉魚肉於木槽，扣槽羣號以爲禮。其見流官，無論尊卑，皆稱曰老皇帝。見內地人，皆稱曰漢人。以漢始通道西南，故稱猶舊也。

九股

九股苗在隆興、凱里二界。武侯征苗，戮之殆盡，僅留九子，爲九股苗人之祖。又有九姓者，在獨山，以十一月朔爲節者。

仲家

楚王馬殷遣將鎮八番，遂成土著，多樓居，衣青衣，婦人被細褶裙，褶如蝶版，古致可觀。以六月六日爲正旦，尙鬼，善造蠱毒，身帶刀弩，多爲盜賊，亦有識字充胥役者。苗而近漢者也。喪食魚蝦而禁禽獸之肉，葬則蓋屍以傘，期年發而火之。

宋家蔡家

宋家蔡家，春秋宋、蔡二國之裔也，流而爲蠻，性樸不詐，惟事耕鑿，風俗略同。宋家稍雅，惟椎髻當前，衣冠盡廢，宛然苗類矣。

天家

天苗多姬姓，周後也，尙行周禮，祭祖推其家長，唱土語爲讚祝。

紫薑苗

紫薑苗裝束與漢人同行，事與天家類，多力善戰，亦曉讀書。○有云紫薑苗嗜殺尤甚，得讐人生啖其肉，夫死則妻嫁而後葬，曰喪有主矣。

賣爺苗

賣爺苗在白納，賤老貴少，人老則拽而賣之，雖其生父在所不免。

克孟牯羊

克孟牯羊，乃二種也，處於金筑，擇懸崖鑿竅而居，垂竹梯或緣藤上下，高者百仞，棲同猿狖。

西苗

西苗尙勇好鬪。葬不用棺。不知拜掃。飲醉相殺。醒復歡好。

東苗

東苗性悍。衣短衣。尙藍。婦著花裳。無袖。遮覆前後而已。細摺裙僅蔽其膝。

龍家

龍氏之裔。死用棺木。以石作墳。以七月七日祭先。甚敬。

四龍家

四龍家衣尙白。喪服易之以青。有張、劉、趙三姓。一曰大頭龍家。男以馬牛尾鬣雜組髮中。盤之成蓋。覆以尖笠。一曰狗耳龍家。婦人作髻。狀如狗耳。一曰小頭龍家。一曰曾竹龍家。俗與龍家無異。

土人

土人在新添司者。與衛人間通婚姻。漸染漢俗。在施秉者。播入流裔。在邛水者。鬪狠輕生。

里人

里人亦名天苗。身衣木葉。

蠻人

蠻人性獷戾。以漁略爲生。衣蓑衣。以十月朔日爲節。居新添、丹行之間。

峒人

峒人以苗爲姓。好爭喜殺。片言不合。卽起干戈。在石阡。朗溪二司者。多類漢人。在永從者。居常負固。在洪州者。地頗膏腴。然不事耕作。惟喜剽掠。粵西有洞人者。好彈胡琴。吹六管。女善漢音楚歌。生女還之母家。曰一女來。一女去。

八番

八番其俗。女勞男逸。勤於耕織。長裙曳地。白布裹頭。以十月之望爲歲首。葬不當晝。必於靜夜。曰不忍使其親知之也。

狃兜

狃兜衣青左衽。身不離刀。

牀老

牀老叛服不常。西苗同俗。死則俛屍側葬。云爲死者避壓也。

狚獍

狚獍生理苟且。荆壁無門。出則以泥封戶。父母死。焚其六冠。有如贈鬼。

僂人

僂人號十二營長。獼鬼。狃狃言語不通。僂人爲之傳譯。披氍衫。女吹篴。有淒楚聲。六月二十四日祭天過。

歲朔望日不乞火。性悍好鬪。盧鹿同聲。又好佛。手持數珠。善誦梵咒。有禱輒應。

擺

擺。蔡人後。住元謀。女負擔。男抱兒。最潔。日杵米。不食宿糧。其人能咒咀。變幻報讐家。又善變犬馬諸物。破其法。卽不驗。又有二形人。上半月爲男。下半月爲女。

按異聞錄。廣南苗民。其婦人能變爲羊。夜出害人。有能爲幻術。易人骨肉者。聞明時有仕於粵中者。偕二幕客宿於苗地。明日見二客。于於庭視之。各失一足。所曳者木腿耳。詢之。一居苗舍。私苗人之妻。苗人恨之。故易其腿。一居苗舍。苗婦挑之。此客不從其請。苗婦恨之。亦易其腿。宦者窮治其事。苗人懼。請各還其腿而去。此得非擺之類乎。

狔狔

狔狔。其種不一。有花狔狔。紅狔狔。赤脚善奔。不知惜命。布園下體。謂之桶溜。斂百物之毒。以染箭鋒。當之立死。受其氣者亦死。死則有棺而不葬。置之厓穴。或臨大河。有打牙狔狔者。父母死。子婦各折二齒投棺中。有剪頭狔狔者。男女剪髮。僅留寸許。有豬屎狔狔者。喜不潔。與犬豕同食。

豎眼狔狔

豎眼狔狔。蠻人之尤怪者。兩目直生。惡人衣青。云遇之有禍。去麻陽百餘里。亦不常見。

播州苗

播州古夜郎地。昔有女子浣於水濱。見竹節流至。內有啼聲。剖之。得一嬰孩。長大。遂雄荒傲。以竹爲姓。號曰竹王。棄所破竹於野。竟成竹林。此地之苗。多其後裔。信鬼好詛。射獵爲業。衣用虎皮。以虎尾插首爲飾。黎州蠻。

黎州蠻。白馬氏之遺裔。其類凡十一種。曰西箐蠻、三王蠻、印部蠻、風世蠻、保塞蠻、淨浪蠻、阿宗蠻、烏蠻、白蠻、兩林蠻。山後蠻。交易不用銀錢。漢以絹帛茶布。蠻以鹽馬紅椒。其俗尙鬼。稱其長者曰都鬼主。

建昌蠻

建昌土廣人稀。有青草貞茅之瘴。俗陋性剛。與黎州相似。

松潘苗

松潘古山驪地。積雪凝寒。盛夏不解。人居累石爲室。高者至十餘丈。名曰碉房。親死。斬衰布衣。五年不浴。奸淫事。輸金請和。而棄其妻。惟處女嫠婦。勿禁。有罪者。樹一長木。擊鼓集衆殺之。富者貴死。燒其屋。奪其田畜。部落甚衆。無總屬。各推一人以爲長。

麥盆

麥盆。住白沙。牝牛聘婦。吹笙飲酒。刻木人祀祖。負薪荷資。治生辛苦。

獼猴

獼猴。本名盧鹿。有黑白二種。黑爲大族。深目長身。面黑齒白。故名獼鬼。漢火濟從孔明破孟獲。封羅甸王。

世長其土。其人佩刀挾弩。左肩拖羊皮一方。兵爲諸苗之冠。諺云。水西羅鬼。斷頭掉尾。男女貴者。寢不同席。至夜半密通之。男去鬚。女辮髮。氍衫爲禮。雞骨占年。死不用棺。招魂以葬。女以善淫名者。人爭取之。以爲美。

白猓

白猓。獠。住麻地。迎春。叩州府吹笙。跌脚而賀。

猓

猓。居茂連山。種菽而食。

猓

猓。在鋪西硝井等處。採薪拾菌。攜柴棍乞醴酒。醉臥中途。可供一笑。

金齒

金齒。古哀牢國。其苗人皆九隆之後也。相傳其先有一婦人。名曰沙壹。捕魚水中。偶觸沉木。因而有孕。生子十人。後沉木忽化爲龍。九子驚走。一子不去。陪龍而坐。龍乃珉之。其方音謂陪爲九。謂坐爲隆。其母名其子曰九隆。及長。爲九子所推。王於哀牢。復得一姓所生十女。以爲之配。故其裔蕃衍。散處荒域。其人有數種。有以金裹兩齒者曰金齒。有漆其兩齒者曰漆齒。有刺面者曰繡面。有刺足者曰花脚。以綵繩撮髻者曰花角。惟居諸葛營者。衣冠禮儀。悉如中土。

八百媳婦

八百媳婦。傳其土酋有妻八百。各領一寨。故以爲名。其人性緩。刺花鳥於眉目之間。以爲飾。俗同緬甸。相見以把手爲禮。

木邦

木邦一名孟邦。相傳其人多幻術。能以木換人手足。人初不覺。久之行遠。痛不能勝。有不信其說者。死之日。剖股視之。則果木也。又能置污穢於途。人觸之者。變爲羊豕。以錢贖之。復變爲人。有知之者。易置穢物於他方。則其人反自變爲異類。其俗男衣白文身髡髮截髭。女飾金圈象鐲。居皆竹樓。男貴女賤。民皆奴視其妻。役之耕織。

老撾

老撾其民性悍。徧體花繡。俗類木邦。其爲宣慰者曰招木弄。居高樓。其上寬廣。部屬見之。所至之地。各有等限。通事引之。不差尺寸。

獠人

獠一名峯客。其種有八。曰天竺、咳首、焦僥、跋踵、穿胸、儋耳、狗軹、旁脊。是謂八蠻。又有飛頭、鑿齒、鼻飲、花面、白衫、赤視之類。嶺表海外有之。獠俗童時燒鐵烙足。沁以臘油。重趼如繻。易登險峻。婦人黔面成花。嫁則荷傘懸草履歸於夫室。山田瘠墾。十歲五饑。故恆劫掠。然猶信鬼畏誓。可以要結。外有打寮山獠、柁親山

獠

獠人

獠人居五嶺之南。冬綴鵝毛木葉爲衣。能用毒矢。中之者。飢骨立盡。雖獠人亦且畏之。

獠人

獠人卽各山子。處於嶺表海外。射生爲活。吞噬昆蟲。子如惡父。卽加手刃。走避於外。以一狗謝母。卽釋然矣。婦人孕。七月生子。置之水中。浮則養之。沉則棄之。報讐相殺。必食其肉。披其面而籠之。竹本鼓躁而祭。謂可逐福。或謂飛頭蠻卽出其地。與屍致魚及蟲落同類。

蛋人

蛋人以舟爲宅。瀕海而居。其人目皆青碧。能辨水色。知龍所在。引繩入水。採螺蚌以爲業。能伏水三日。手持利刃以拒蛟螭。又曰龍戶。又曰崑崙奴。其人皆蛇種。故祭祀皆祀蛇神。

馬人

馬人居於林邑。伏波戍卒之遺種也。其人深目緞喙。以採藤捕蠣爲業。散處南海之間。或以爲盧循遺種。故又名之曰盧亭。

狼人

狼人多在南丹三州。驚悍。天下稱最。用兵能以少擊多。軍令最嚴。故能勝敵。婚以木檐聘女。有扇歌檐歌。

以爲酬唱。相合卽爲夫婦。

狠人

狠人生。峒中。形如猿獠。語呶呶不可辨。性忠愨。蠻獠役之。採片腦。鶴頂。犀角。象齒。負以輸主。遇人奪之。死亦勿與。畏近煙火。遇煙火。淚目至死。滇黔粵蜀皆間有之。

班衣山子

班衣山子。一曰莫獠。散處橫州震龍。六磨諸山。無定居。砍山種畬。射生爲活。有班衣種女。亦其類。

獠人

獠人生廣西奧谷之中。狀如猩拂。不室而處。饑食橡薯百蟲。附近獠人。獠人亦莫能譯其所語。

黎人

黎人生儋崖瓊萬之間。卽隍人也。相傳太古之時。雷攝一卵至山中。遂生一女。歲久。有交趾蠻過海採香者。與之相合。遂生子女。是爲黎人之祖。因名其山曰黎母山。黎人環山而處。內爲生黎。外爲熟黎。黎山極高。隱於雲霧。海氛清廓時。見其人於碧嵐翠靄之間。生黎所居絕遠。外人不能至其境。至黎母之巔。其上有。人壽考逸樂。不與世接。虎豹爲之守險。無路可攀。但覺水泉香美。雖生黎亦不能至其境。熟黎變服入州縣。日晚鳴角結隊而歸。多符王二姓。生子遇歲。卽文其身。不則以爲祖宗。不目爲子孫也。黎人見客至。未相識。於隙窺之。見客於莊。始布席相接。坐久不交一語。置酒先以惡臭味進。客食不疑。則喜。更以佳穀。

進遂相親狎。否則遣去。與人結讐。則射箭於梁上。與客會飲。顧及梁間羽鏃。卽奮報讐之志。醉卽羣作狗
囓。自云狗種。欲祖先聞其聲而爲之垂庇也。中鋒鏑死。密埋不哭。恐人知之。以爲不武。男女幼時。至晚驅
上欄房。聽其自相偕偶。至於婚媾。仍用講求。黎人死。其孀婦則共養之。黎人擔負一肩。竟日。謂祖宗如此。
不敢更擔。皆善咒鬼祟人。恆與兵報先世之讐。敵人若令其妻車前謝過。卽曰彼賢如此。可解此圍。或徙
寨避之。曰彼懼我。可凱旋矣。

遐黎

遐黎生婺嶺以北。椰瓢蔽體。父母過五十。則烹而食之。云葬於腹中。謂之得所。

附谿峒異聞四則

韓信後

樵書載廣南有韋土官者。韓信之後也。當淮陰鐘室難作之時。信有客匿其孤。求撫於蕭相國。相國作書
致南粵尉佗。佗素重信。又憐其冤。慨然受託。姓之以韋者。去其韓之半也。孤後有武功。世長海瑞。受鐵券。
至今蕭何與尉佗書。尙勒鼎彝。昭然可考。

徐敬業後

唐書載貞元十七年吐蕃陷麟州。驅掠民畜而去。中有僧名延素。向其將號徐舍人者乞命。徐曰。師無恐。
余徐敬業五代孫也。昔武氏斲喪王室。吾祖建義不果。子孫竄入谿洞之中。已經數世。今甚繁衍。掌握兵

要未嘗不思故土。但族屬已多。無由自拔耳。悉解漢俘千人。同延素歸國。延素返傳其事。

李德裕後

漱石閒談載李贊皇之南遷也。卒於崖州。子孫遂爲獠。俗數百人。自相婚配。正德間。吳人顧朝楚爲儋州同知。以事至崖。召見其族。狀與苗獠無異耳。綴銀環索垂至地。言語亦不相通。德裕誥勅尙在。

陳友諒後

明紀遺聞載陳友諒亡後。陳理被擒。友諒尙有二子。挈眷屬逃入楚中深洞。自相婚配。將一姓別爲二姓。弟仍姓陳。兄將陳字易作鄭字。名曰哥陳。子孫繁衍。或曰。今梅花洞中種類卽是。

峒谿織志中卷

余於蠻獠志其類矣。因采其風並及其事。

木契

木契者。刻木爲符以志事也。苗人雖有文字。不能皆習。故每有事。刻木記之。以爲約信之驗。

插牌

苗人欲舉兵攻殺。先期集衆。插牌於山。偵知得以預備。

讐殺

苗人不忘九世之讐。往往相殺無已。惟恃流官開誠勸諭。能爲息爭。

講歹

峒苗讐殺之後。漢官爲之講歹。兩造各積草爲籌。每講一事。舉一籌。理詘者棄其籌。籌多者勝。負者以牛馬歸勝者。卽彼此殺人。亦較其人數多寡。而以馬牛賠償之。紛乃解。

剝諭

講歹之時。兩造苗民。各踞兩山之上。而立牛於其中。講旣明矣。一苗持刃從牛頸下。屠牛易如委土。於是兩山之苗。呼噪而集。各割牛肉一塊。歸而祭祖。若相誓曰。有負諭者。有如此牛。